



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

ՄԵՐԿ ԲՅՆՆԵՐԻՍ

ՀԱՅ ԱՆՂԱՓՈՒԱԿԱՆՆԵՐԻՆ



9(495)

Ե-45

ԵՐՐՈՎԱՅԻ
ՌԻՍՆՈՂԱԿԱՆ
ԳՐԱԹԻՒՆ

1904. ՎԵՆԵՂ

5 OCT 2011



495)
-45
44

ՄԱՐԿ ԲՅԱՐԻՍ

Ե Մ Ե Ն Ի Ց Ի

Ֆրանսերէնից թարգմանեց Գ. Ա.

15759

778



Հրատարակութիւն

ԵՐՈՊԱՅԻ ՀԱՅ ՈՒՍԱՆՈՂԱԿԱՆ ՄԻՈՒԹԵԱՆ

ՊԱՏՐԱՍՏԻՈՒԹՅԱՆ ԵՆ ԳՐԱԳՐՈՒԹՅԱՆ

„ՀԱՅԱՍՏԱՆ ԵՒ ՀԱՅՈՑ ՀԱՐՑԸ“

(L'ARMÉNIE ET LA QUESTION ARMÉNIENNE)

ՄԵՇ ԺՈՂՈՎԱԾՈՒ ՅՐԱՆՈՒՐԷՆ ԼԵՉԻՈՎ

ԲԱՂԿԱՅԱՆ ՄՈՑ 1000 ԵՐԵՍԻՅ

ՊԱՏԿԵՐԱԶԱՐԳ

ՄԱՍՆԱԿՅՈՒԹԵԱՄԲ ՆԵԱՆԱԻՐ ԵՒՐՈՊԱՅԻՆՆԵՐԻ

Հրատարակութիւն

ԵՐՈՊԱՅԻ ՀԱՅ ՈՒՍԱՆՈՂԱԿԱՆ ՄԻՈՒԹԵԱՆ

(Երբեք որ արդէ և ուրեմն)



Ժ Ը Ն Ե Վ

1904

05 APR 2013

17918

I



Մարկ Բօցարիսի անունը այն անուններից է, որ յոյները մեծ հպարտութեամբ են արտասանում: Նա այն Աիցոս Բօցարիսի որդին էր, որի հանդէս գալը դիտեցին Սուլի առաջին պատերազմի միջոցին: Բօցարիս ծնւեց 1788 թւին և իր պատանեկութեան մի մասը անցկացրեց Վուրգարեղիում: Սուլիացիների 1803 թւի պարտութիւնից յետոյ Աիցոս ի զուր աշխատեց փրկել իր ժօռ ապաստանածներին: Եանինայի փաշայի կատաղի աւազակախմբերից պաշարւած, փակւած մի քանի հարիւր զինւորներով, կանանցով և երեխաներով մի վանքի մէջ, նա երկար շաբաթների ընթացքում դէմ դրեց հինգ-վեց հազար ալբանացիների յարձակումներին: Մարկ Բօցարիս այս պաշարման միջոցին զինավարժութեան փառաւոր դասեր առաւ. բայց վանքը գրաւեց, և նրա պաշտպաններին սրի տւին: Աիցոսը, Մարկը, մի քաջ կին, որի անունը անյայտ է պատմութեան, աջողեցրին իրանց փախուստը մենակ, զէնքը ձեռքերին և թիւրքերի միջով կարողացան հասնել Պարգա:

Մարկ Բօցարիս գնաց Գրանսիա և զօրքի մէջ ծառայութեան մտաւ: Մի քանի տարուց յետոյ՝ նա գնաց Կօրֆու և սուլիացիներից մի բատալիօն կազմեց, որի կազմակերպութիւնն ու հրամանատարութիւնը կայսերական կառավարութիւնը նրան էր յանձնել:

Կօլօհօտրօնի պատմում է, որ հանդիպեց Բօցարիսին 1814 թւին, այն բուպէին, երբ կռիւ էր ծագում Փրանսիացիների և անգլիացիների միջև: Նա վերջիններիս ծառայութեան մէջ էր: Սուլիացիներին նկատելով, հեռւից յանդիմանական խօսքեր ուղղեց նրանց պետին, որին նա դեռ չէր ճանաչում և հրաւիրեց միանալ

իրան: Բօցարիս նրան պատասխանեց. „ինչպէս ես ուզում, որ ես դաւաճանեմ այն գործին, որին երգել էմ ծառայել թող մեզանից իւրաքանչիւրը իր տեղը մնայ: Երբ հրացանի հարւածները պարպած կը լինեն, մենք կը համբուրենք“: Աօլօհօտրօնի գնահատեց իր հայրենակցի հաւատարմութիւնը և, նրա դէմ կուելուց յետոյ, եղայրագրեց Վարկին, մի սովորութիւն, որ պահպանուում է Յունաստանում միմեանց սիրող և յարգող մարդկանց միջև:

Բօցարիսի Աւրոպա մնալը, այնժամանակեայ մեծ դէպքերից կրթելը, հաստատեցին նրա անվիճելի գերակշռութիւնը Անկախութեան միւս պարագլուխների վերաբերմամբ:

Վարկը իր տաք հայրենասիրութեանն ու հազագիւտ անվեհերութեանը միացնում էր աշխոյժ խելք և խօսելու ձիրք, որ առանց դժւարութեան հասնում էր պերճախօսութեան, նաև զինւորական արեստի լուրջ ծանօթութիւն և հռչակի մեծ տենչանք: Իր բարբի մեղմութեամբ նա բոլոր շրջապատողների սէրը գրաւեց, իսկ իր վարքի մարբութեամբ և անշահասիրութեամբ արժանացաւ ընդհանուր յարգանքին: Վարկի է ասել, որ նրա կեանքը զուրկ եղաւ սխալներից և արդիւնաւոր՝ մեծ գործերով: Էդուարդ Բլակիէր այսպէս է խօսում Բօցարիսի մասին, որին նա ճանաչում էր. „Գիտութեան և դաստիարակութեան տւած առաւելութիւններից զատ, Վարկ Բօցարիս օժտւած էր այն բոլոր առաքինութիւններով, որին մարդ կարող է հասնել: Նրա բնաւորութեան պարզութիւնը, որի օրինակը կարելի է գտնել Պլուտարքի մեծ մարդկանց մէջ, բարձրացնում էր այդ առաքինութիւնները: Իր երիտասարդ հասակից, նա նախ իր երկրի յոյսը եղաւ և ապա սքանչացման առարկան, ինչպէս քաղաքացի, հայրենասէր և զինւոր“:

Վարկը հասակով փոքր էր, խորտեաշ մազերով, կենդանի և առողջ, յունական այն ժամանակեայ նորաձեւութեան համեմատ երկար մազեր էր պահում, որի

գանգուրները թափուում էին ուսերի վրայ: Նրա դէմքը արտայայտում էր, ինչպէս և իր բնաւորութիւնը, հեղութեան, եռանդի և անվեհերութեան խառնուրդ: Նա օժտւած էր ինչ որ հրապոյրով, որ գերում էր նրան մօտեցողին: Բօցարիս հերոս էր բառիս բուն նշանակութեամբ: Պատմութիւնը ոչ մի սուեր չի ձգում այն հրապուրիչ փայլի վրայ, որով բանաստեղծները և նորագոյն Յունաստանը պայծառացրել են այդ անունը:

1820-ին Վարկը մի քանի հարիւր սուլիացիների հետ շամուրիի մօտ ափ իջաւ: Վարկ Բօցարիսը Էպիրի հողը կոխելիս ուրիշ ցանկութիւն չուներ, բայց եթէ շուտափոյթ հասնել Աէլէիաի բարձունքներին. նրա զինակիցները այնտեղ գտնելու անհամբեր ցանկութիւն ունէին: Մտածելով, որ Յունաստանում զօրեղ ապլուտամբութիւն հանելու բոլոր գեռ չէ հասել, նա տըրամագիր էր չէզոք մնալ սուլթանի ու իր ըմբոստ վասսալի միջև, որով յոյս ուներ այդ ներքին կուում տեսնել Թիւրքիայի ուժերի վաճառումը: Իսկ մինչ այդ նա ցանկանում էր, ինչպէս որ ուսններն էին այդ ցանկացել 1790-ին, Աուլին փոքր առ փոքր դարձնել զօրեղ կերպով կաղմակերպւած դաւադրութեան կեդրոն. բայց դէպքերի շուտափոյթ ընթացքը այս ծրագրի իրագործումը անկարելի պիտի դարձնէր: Վարկի հօրեղբօր՝ ծերուկ Նօթի Բօցարիսի խորհրդով սուլիացիները թուով ութ հարիւր հոգի, հաշուելով կանանց և երեխաներին՝ ներկայացան Խամայէլ փաշային՝ Աուլիի լեռներին տիրելու թոյլաւութիւն խնդրելով, որտեղ Ալին գեռ պահում էր ուժեղ բերդապահ զօրք: Խամայէլը խոստացաւ նրանց ինչ որ ուզում էին, միայն այն պայմանով, որ նրանք օգնէին իրան Պրէվէզա քաղաքը առնելու, որ յամառութեամբ պաշտպանում էր Աէլին, Ալիի որդին: Մի քանի օրից յետոյ Պրէվէզան ընկաւ Բօցարիսի զինւորների ձեռքը, որոնք անմիջապէս պահանջեցին այս ծառայութեան վարձատրութիւնը: Խամայէլ յետաձգեց իր խոստումների իրագործումը, և Վարկը համոզեց, որ

սէրասկէրը միտք չունի իր խոստումները կատարելու: Սուլիացիները վճռեցին չմասնակցել պաշարման աշխատանքներին և հաստատուեցին ս. Նիկողայոս գիւղում, օսմանեան բանակից ոչ հեռու:

Ալին տեղեկանալով նրանց իրաւացի դժգոհութեան մասին, ձեռքից բաց չթողեց այդպիսի օգնականներ գրաւելու յարմար առիթը:

Յիշատակութեան արժանի է այն միջոցը, որ նա հնարեց սուլիացիների հետ բանակցելու համար՝ առանց օսմանցիների կասկածը յարուցանելու: Ամբողջ մի օրւայ ընթացքում նա իր մարտկոցների կրակով ումբակոծում էր յոյների վրանները: Ոչ մի ուռմբ չպայթեց: Զարմացած յոյները զգուշութեամբ կտորեցին նրանցից մի քանիսը: Իւրաքանչիւր ուռմբ լցած էր զրամներով և պարունակում էր մի տոմս, որով Ալին ժամագրութիւն էր նշանակում սուլիացիների կողմից բանակցողներին: Նա նրանց խնդրում էր գիշերը հասնելուն պէս երեք տեղ կրակ վառել ի նշան նրանց բանակցելու համաձայնութեան: Մարկ Բօցարիս բնաւ չվարանեց վէզերի ժամագրավայրը գնալ ուրիշ երեք խմբապետների հետ: Ալի փաշան ամեն ջանք գործ դրեց իր նախկին լծնամիներին համոզելու, որ նրանց շահն էր պահանջում սերտ կերպով միանալ իր հետ և, որպէսզի ամեն կասկած փարատւի, նրանց աչքերի առաջ ծաւալեց կայսերական մի Ֆէրման, որ իր գործակալները բռնել էին Պինդի պարանոցում: Այդ Ֆէրմանը լծելագրում էր Իսմայէլին կոտորելու պիտի բոլոր քրիստոնեաներին՝ սուլիացիներից սկսած:

Յոյն հարիւրապետները վճռեցին ստորագրել պաշտպանողական և յարձակողական մի դաշինք, որ վէզերը առաջարկում էր նրանց: Ալին թողատրեց սուլիացիներին տիրել իրանց երկրին, և հետեւեալ օրը նշանակեց պատանդներ փոխարինելու համար: Յոյների պատանդներն էին՝ Բօցարիսի եղբայրը, կինը և երեխաները: Բօցարիս ի դուր պահանջեց, որ իրանց նոր դաշնակցի առջև իր հայրենակիցների աննենգութեանը

պատասխանատու լինելու վտանգաւոր պատիւը իրան շնորհէ: Ամբողջ ցեղը, որ իր բոլոր յոյսերը նրա վրայ էր դնում, հակառակեց նրա գնալուն. այն ժամանակ, Բօցարիս ցանկութիւն յայտնեց, որ պատանդ տարւեն իր երեսնաներն ու կինը, իր առաքինութիւններով և գեղեցկութեամբ յայտնի Քրիզէիսը: Իր կողմից Ալին յոյներին յանձնեց իր որդկերանցից ամենափոքրին և ամենասիրւածին՝ Հիւսէյին փաշային. միայն իբրև վերջին պայման առաջարկեց, որ Աեաֆայի աշտարակը իր ձեռքը մնայ, որ նա իր որդու համար բնակատեղի լինի և որ ալբանացիները այնտեղից չհեռացւեն: Սուլիացիները առանց դժւարութեան ընդունեցին այս նոր պայմանը, անգիտանալով որ մի ահարկու բերդ է փոխարինել Աեաֆայի աշտարակին, որը մի ժամանակ անկարող էր յիսունից աւելի մարդ առնել իր մէջ: Հետեւեալ գիշերը նրանք ճանապարհ ընկան դէպի լեռները: Մարկը, որի ասպետական բնաւորութիւնը չէր հաշտում գիշերային փախստի հետ, մերժեց հեռանալ իր վրանից լուսանալուց առաջ և մնաց մի քանի անվեհեր ընկերակիցների հետ: Արեւածագին նա մօտեցաւ թիւրքական առաջապահեսաներին (avant-poste) և մի քանի գնդակ ուղարկեց իր անջատումը նրանց հաղորդելու համար և առանց հալածելու նետեց իր հայրենակիցների ետեւից, որոնց միացաւ երեկոյեան դէմ: Սուլիացիների զարմանքն ու հիասթափումը չափազանց մեծ եղաւ, երբ նրանք լեռները մտնելով՝ ահագին պարիսպներ նկատեցին Աեաֆայի նախկին պիտի գոսի տեղում: Նրանք բաւականացան միայն բազմութիւ պահակներ դնելով այդ միջնաբերդի բոլոր ճանապարհների վրայ, միւսնոյն ժամանակ իմացրին վէզերին, որ նրա որդուն խստիւ փակւած կը պահեն Սուլիում մինչև որ Աեաֆայի բանալիները իրանց յանձնեն:

Պատերազմին աւելի ազգային գոյն և աջողութեան նոր գրաւական տալու համար, Բօցարիս շտապեց դաշն կապել Թեսալլոտիայի քրիստոնեաների հետ: Այս ա-

ուաջին անգամն էր, որ լեռը այնպէս սերտ կերպով միանում էր դաշտին և Սուլիի հանրապետութիւնը այդ վայրկեանից տարածւեց Եանինայից մինչև Լօռու կոչւած գաւառակը, որ հարեան էր ծովին: Բօցարիս այս կերպով երեք հազար հինգ հարիւր մարտիկների գլուխն անցաւ: Մարկը մտածեց նախ կայսերական բանակի և Արտայի հաղորդակցութիւնը կտրել: Նա տիրեց ամրացրած քարաւանսէրային, որ իշխում էր Հինգ-Ջրհորի կրճին, Եանինայից եօթ մղոն հեռու դէպի հարաւ-արևելք: Այս կէտից նա կարող էր ձեռք առլ Ջուներկայի ռազմասէր կէֆաներին: Առաջին անգամ Եպիրի արձագանքները հնչեցրին «Օն յառաջ հեղէնների որդիք», հայրենասիրական և ռազմական երգը, որ շարագրւած էր Մարտէլիէզի եղանակով և որ Յունաստան էր մտել Փրանսիական դրօշի տակ ծառայած սուլիացիների միջոցով: Այս երգը արագութեամբ տարածւեց յոյների մէջ և նախերգանք հանդիսացաւ նրանց մի քանի փառաւոր յաղթանակներին: Հինգ-Ջրհորի և բազմաթիւ կարաւանների կորուստը խմայելի բանակի մէջ իրարանցում առաջ բերեց: Թիւրքերը անմիջապէս ընտրեցին երեսունվեց սպայ, որոնք պէտք է արտասանէին Վուրանի առաջին գլուխը օրական իննսուն երկու անգամ և երեսունվեց դէրվիշ, որոնք ստիպւած էին նոյն ժամանակամիջոցում ստանալ խարազանի իննսուներկու հարւած իրանց գլխաւորի ձեռքից: Մարգարէի բարկութեանը այս առաջին հատուցումը տալուց յետոյ, — բարկութիւն, որ շատ պարզ կերպով արտայայտւեց քրիստոնեաների յաջողութիւններով — հինգ հազար հետեակ և ձիաւոր ռազարիւհեց քարաւանսէրայը առնելու համար, որ գրաւել էին երկու հարիւր յիսուն սուլիացի: Վերջիններս Ալի փաշայից իմացած լինելով այս յարձակման մասին, թոյլ տւին թշնամուն մօտենալ մինչև փոքրիկ ամրոցի ստորոտը և դիմաւորեցին նրանց մօտաւոր հրացանաձգութեամբ: Բայց և այնպէս մուսուլմանները յարձակողական վերելք գոր-

ծեցին: Նոյն իսկ վայրկեանին Բօցարիս, որ դարան էր մտել շրջակայ լեռներում, յարձակւեց նրանց վրայ մի խումբ մարդկանցով, թաւալգլոր արեց նրանց և հետամուտ եղաւ մինչև Տիրիակիի կիրճը: Այս աջողութիւնից յետոյ Մարկը շտապով Հինգ-Ջրհորի կիրճը եկաւ գերիներին խլելու: Արդէն սուլիացիները նրանցից շատերին գլխատել էին և նրանց գլուխներից յաղթութեան խորհրդանիշեր կաղմբ: Բօցարիս վերջ տւեց այս արիւնոտ պատժին. նա թոյլ չտւեց, որ իր յաղթանակների փայլը նսեմանայ նմանօրինակ բարբարոսութիւններով: Իր ամենամեծ մտահոգութիւններից մէկըն այն եղաւ, որ իր փոքրիկ գնդերի մէջ կարգապահութիւն մտնի, որ նա սովորել էր Աւրոպայի կուրգաշտերում: Եւ այդպիսով յունական անկախութեան կռիւները Բօցարիսի հետ մի վտեմ նկարագիր են ստանում, որ նրանք չունէին մինչև նրա երևալը. նրանք այլևս անկապ կռիւներ, ցրւած դիպւածներ, սպարդիւն յաղթանակներ չէին: Նոր պարագրուելը ռազմում է նրանց դէպի մի որոշ նպատակ, որ թիւրքերի վունդեւն է, ոչ թէ ինչպէս առաջ՝ մի գիւղից, մի լեռից, մինչև անգամ մի գաւառից, այլ ամբողջ յունական հողից:

Շնորհիւ Բօցարիսի աջողութիւնների՝ ապստամբութիւնը արագ կերպով տարածւեց: Ամբողջ Ասիայիսն օտքի կանգնեց. նոյնիսկ ալբանացիները սկսեցին զլուել խմայելին ծառայելուց: Նրանց գլխաւորներից երկուսը՝ Թահիր-Աբբաս և Հագոս-Բեստիարիս, որ թէ Ալիի և թէ սուլթանի դաշնակիցներն էին եղել, սուլիացիների կողմը անցան: Սէրասկէրը, որի զօրքը ահագին վնասներ էր կրել, որոնք նոր օյժերով դեռ չէին փոխարինւած, պատուիրեց իր տեղակալ Բեկիր-Ջօզատօրին՝ բանակցութիւններ սկսել Սէլէիտի յոյների հետ: Վերջիններս համաձայնեցին մի ամսւայ զինագաղար անել: Պօլէմարկը՝ հարաւային Յունաստանի անգործութեամբ մտտատանջ՝ օգտւեց այս զինագաղարից և ռազարիւհեց Հէլլագայի ու Պէլոպոնէսի գիւղերը պատուիրակներ, որոնց յանձնարար-

ւած էր իր յաղթանակների լուրը տարածել այնտեղ: Մի քանի շաբաթից Սուլիի պատերազմները մեծ նորութիւններով յետ դարձան. Գերմանոս՝ Պատրասի միտրոպոլիտը, 1821 թւի մարտի 26-ի կոնդակով Յունաստանի անկախութեան իրաւունքները հռչակեց, ապրատամբութեան դրօշը պարզեց և խնդրեց օտար պետութիւնների օժանդակութիւնը:

Մինչ այս մինչ այն՝ խուրճիգ փաշան փոխարինում է Խամայէլին: Ապստամբութիւնը բռնկւելուց մի քանի օր առաջ խուրճիգ շտապով Էպիր է գալիս և Խանինայի պատերի տակ բանակ է դնում ճիշտ այն միջոցին, երբ զինադադարի ժամանակը լրանում էր: Չարհուրած Ալի փաշան զինանում է Աեսֆայի բերդը քրիստոնեաներին՝ նրանց աւելի սերտ կերպով իր գործին կապելու նպատակով: Էպիրի ապստամբները խմբովին ապաստանում են Սուլի սարը: Այս օրից սկսած Բօցարիսի կեանքը կռիւների մի անվերջ շարք է ներկայացնում, որ երեք փառաւոր շրջան ունի. Արտայի պաշարումը, Էպիրի արշաւանքը 1822-ին, և վերջապէս, Վարպինիցիի ճակատամարտը:

Արտայի պաշարումը ռազմական այն քաջագործութիւններից մէկն էր, որը ամենից աւելի նպաստեց Բօցարիսի հռչակի ստեղծւելուն:

Արտան պարունակում էր իր մէջ տասը հազար պաշտպան և ուժեղ ռմբաձիգ զօրք: Բօցարիս նրան տիրել էր ուղում, որովհետև դրանով հաղորդակցութեան ճանապարհ էր բացւում Հիդրայի նաւախմբերի և Ագարնանիայի ապստամբների հետ: Առաջին անգամն էր, որ յոյները մեծ քաղաք էին պաշարում: Բօցարիս ամեն ջանք գործ դրեց աջող ելքի հասնելու համար: Մարկ եկաւ Սուլիից վեց հարիւր մարդով: Հազու էր նա լեռներից իջել, որ ալբանացիները սուլթանի կողմն անցան: Առանց յուսահատւելու՝ նա վճռեց Սուլի չմանել, մինչև որ ծովի հետ հաղորդակցութեան ճանապարհ չբանայ: Արտային տիրելու միտքը նա թողեց և դիմեց դէպի Ռէզնիսսա աշտարակը: Արիւնահեղ մի յարձա-

կումով տիրեց նրան և մէջը բերդապահ զօրք դնելուց յետոյ, յանկարծակի երեւաց այնտեղ, ուր թիւրքերը նրան իսկի չէին սպասում. Ալթամանիայում նա գրաւեց Պլագա կարևոր կէտը, որ ուղում էր իր զինուորական գործողութիւնների կեդրոն դարձնել: Մի քանի օր յետոյ նա կոտորեց մի ամբողջ զօրաբանակ, որ գիմում էր դէպի Խուրճիգի բանակատեղին, իսկ դրանից յետոյ պատահեց Խամայէլ փաշային, Պասսարոնի դաշտավայրում, ուր վերջինս արիւնահեղ պարտութիւն կրեց: Վերջապէս, նոր աջողութիւններից յետոյ, նա Սուլի եկաւ հանգստանալու:

Հայրենիքի սէրը չէր միակ այն դրդիչը, որ առաջնորդում էր Բօցարիսին կռւի դաշտում: Յիշում էք անշուշտ, որ Քրիզէիս և իր երեխաները գաւաճան Ալիի մօտ էին գտնւում իբրև պատանդ և որ սրանց փրկուցութիւնը կախած էր վերջինիս փրկութիւնից: Մարկը տածում էր դէպի այս ջահէլ, գեղեցիկ և անձնէր կինը մի խանդավառ քնքշութիւն, տարբեր այն ստոյիկ գորովից, որ սուլիացիները տածում են դէպի իրանց հըպարտ ընկերուհիները: Սուլիի կանայք, որ աչքի էին ընկնում մանաւանդ իրանց անվահեղութեամբ, որ տղամարդկանց պէս վարժ զէնք էին գործածում, առնացի ոգու տէր էին, ուր հայրենասիրութիւնը, պատիւը, դէպի թիւրքերը ունեցած ատելութիւնը ուրիշ աւելի քնքշուչ զգացումների համար բնաւ տեղ չէին թողնում: Քրիզէիս, որ մեծացել էր Վորֆուում, ընդհակառակը՝ օժտւած էր իր սեռի բոլոր հմայքներով ու շնորհներով: Բօցարիսի դէպի նա ունեցած սէրը, ծանր տագնապները և այն վիշտը, որ իրան պատճառում էր կնոջ վտանգաւոր գերութիւնը՝ թողել է հետքեր Յունաստանի այս մասի ժողովուրդական բանաստեղծութեան մէջ: Էպիրի աշուղները կարծես հասկացել են իրանց հերոսի կեանքի այս ներքին կողմը և գուշակել են նրա գաղտնի վշտերի աղբիւրը: Նրանք երգել են Մօշօների և Խայիտօների արիւթութիւնը և քաջագործու-

Թիւնները, իսկ Քրիզէիսին նւիրել են իրանց ամենա-
սրտաուռ յմրմունքներն ու ամենամեղամաղձիկ շեշտերը:

— Քրիզէիս նստած սոկեթէլ ձեռագործ է անում, բայց
նրա աչքերը չեն հետեւում բնաւ իր ասեղնագործին. նրանք
ամպերն են դիտում և վազում նրանց ետեւից:

— Էլ սիրտս փակեց, նա չի բացում և չի ծիծաղում,
ինչպէս երբեմն, իմ աչքերը արտասուք են զեղում, նրանք
լիճ, ծով են կազմում:

— Քեր իմ սգի զգեստները (ասում է մի ուրիշ երգ),
երեք ամսից ի վեր նրանից լուր չունեմ: Մեռած է նա կամ
ի՞նձ մոռանում է:

— Կո՞ծու վրայ նստում է մի թռչնակ. — Կա մեռած
չէ և քեզ իսկի չի մոռացել: Թիւրքերի դէմ է մարանչում
նա Վարիադէսում, Միտրանիում, Լեյօփոյում: Փաշային
տասը հազար զլուխ է խոստացել Բօցարիս, որպէսզի քեզ
կրկին իր մօտ ունենայ: Աւել հազարը արդէն ընկել են
նրա հարածների տակ: Ըստով Ալին լաց կը լինի քո
դնալը տեսներով:

Այս վերջին խօսքերը ցոյց են տալիս, որ վեղերը
սիրահարուել էր իր գերուհու վրայ: Մի ուրիշ երգի
կտոր ցոյց է տալիս՝ թէ որպիսի իրաւացի հպարտու-
թեամբ էր վարւում Քրիզէիս ահեղ փառայի հետ:

— Լցրու բաժակս, ասում է նրան Ալին, և թայլ տուր
ակնապիշ դիտել քեզ, մինչդեռ ես կը դատարկեմ քո
լցրած բաժակը:

— Շինում է Քրիզէիս ամօթից և բարկութիւնից:
— Ես քո գերուհին չեմ, որ խմիչք լցնեմ քեզ, ասում է
նա և թու եմ և դուստր յոյն կղզիների պետերի և կին
Բօցարիսի:

Վերջինս տեսնում էր տեսնել իր սիրածին: Կա
միաբանաց ազարնանիացիների պետի՝ Կարայիսկոսի
հետ, որ խոստացաւ բերել հազար մարդ և մեկնեց
Սուլիից 1821 թւի նոյեմբերի 11-ին՝ երեք հարիւր
պալլեկարների գլուխն անցած: Բօցարիս մտածում էր
գիշերով հասնել Ամֆիթրոսիայի գաշտափայլը, յարձակ-
ւել թիւրքերի վրայ լուսագէմին, թաւալգոր անել

ապուշ կտրած թշնամուն և հէնց բերդաքաղաքի կեդ-
րոնում՝ ձեռք տալ Կարայիսկոսին, որը հարաւից յար-
ձակում պիտի գործէր քաղաքի վրայ: Այս ծրագիրը
թէև յանդուգն էր, սակայն լուրջ հիմքերի վրայ էր
գրւած, եթէ մարդ մտածի, թէ ինչ հեշտութեամբ
թիւրքերը տեղի էին տալիս իրանց կատաղի հակառա-
կորդներին: Կժքախտաբար թիւրքմէն տաւարածները
սուլիացիների շարժումները նկատած լինելով Արտայի մէջ
իրարանցում գցեցին: Հաղարաւոր ալբանացիներ անմի-
ջապէս վազեցին ամրացրած կամուրջը պաշտպանելու,
որ ձգւած էր Ինսուսի վրայով և որին Բօցարիս պէտք
է անհրաժեշտաբար տիրէր՝ քաղաքին մօտենալու հա-
մար: Մարկը չվարանեց յամենայն դէպս անցնելու փորձ
անել: Չնայած իրանց պետի թախանձանքներին և իրանց
ոգևորող եռանդին, յոյները չհեղեցին իրանց հին սո-
վորութիւնից, որ շտեբոսի հերոսներից էին ընդու-
նել և որը կուր ելնելու ժամանակ հայհոյանքների տա-
րափ թափելն է թշնամու հասցէին:

Մարկը վերջ տեց դրան, — դա ժամանակի կորուստ
էր: Այդ րոպէին ութ հարիւր ձիաւոր յարձակում
են սուլիացիների վրայ: Վերջիններս նահանջում են
գէպի Միհուրաի գիւղը և ամրանում: Թնդանթները
ուճակոճում են գիւղը. հեծելազորը ուղում է քրիստոն-
եաների ճանապարհը փակել ետեւից: Մարկը մի քանի
հետեորդներով հասնում է ամեն տեղ քաջալերելու և
հրամաններ արձակելու: Առիւր, որ շարունակում էր
արդէն մի քանի ժամից ի վեր, անշուշտ սուլիացիների
ջնջումով էր վերջանալու, երբ Դօթի Բօցարիս կողքից
անակնկալ յարձակում գործեց թիւրքերի վրայ չորս
հարիւր պալլեկարով: Այս ծերուկ զինուորը լսելով
թնդանթների որոտը, չէր կարողացել դիմադրել կուրի
մասնակցելու ցանկութեան: Բօցարիս նրան տեսներով
մի կատաղի յարձակում է գործում, մինչդեռ Դօթի
խորտակում է թշնամու շարքերը: Երեկոյեան դէմ սու-
լիացիները տիրել էին տեղին մինչև ամրացրած կամուրջը:

Նրանց միացան երկու հազար սօկսիդ Էլմաս-բէյի հը-
րամանատարութեամբ, որ վճռել էր Ալի փաշայի և Նրա
դաշնակից սուլիացիների կողմն անցներ:

Երկու օրից յետոյ սօկսիդները և սուլիացիները ներս
խուժեցին Արտայի շրջապատով, գտան այնտեղ քաջ
կարայիսկոսին և մի մոլեգին կուլից յետոյ՝ քաղաքի
երեք քառորդ մասին տէր հանդիսացան: Գիշերը բա-
ժանեց կուլիներին: Հետեւեալ օրը յարձակում տեղի
պիտի ունենար միջնաբերդը գրաւելու համար: Տարօրի-
նակ պատկեր էր ներկայացնում սօկսիդ դերվիշների և
սուլիացի քահանաների մաղթանքը, որոնք կողք կողքի
գոհուածիւն էին վերառաքում երկինք՝ իրանց ընդհա-
նուր յաղթանակի համար: Բլուրների վրայ վառուած
կրակների մի ամբողջ շարան յայտնեց Աուլիին քրիս-
տոնեաների յաղթանակը, բայց նոյն ուրախութեան կը-
րակների լուսով բաղդի մի անսպասելի հարուած էր
պատրաստուում: Շամուրիի բէյերը մի քանի օրից ի վեր
խորհրդակցում էին՝ թէ որ կողմին պիտի յարեն իրանք:
Նրանք ոչ գէպի սուլթանն էին հակուած, ոչ էլ գէպի
յոյները. առաջինին ծառայելը ծանր էր գալիս անկասու-
թեան համար նրանց ունեցած մոլեռանդութեանը. միւս-
ներին դաշնակցելը՝ գուցէ աւելի մեծ խորշում էր պատ-
ճառում նրանց կրօնական Փանատիկոսութեան: Խուր-
շիդի բազմաթիւ պատգամաւորները համոզեցին նրանց
վերջապէս, ամենասքանչելի խոստումների միջոցով՝ սէրաս-
կէրի դրօշակի տակ մտնել: Բէյերը խոստացան իրանց
ամբողջ ազգեցութիւնը գործ դնել սօկսիդներին հա-
մոզելու: Գիշերը շամիդների պատւիրակները աջողե-
ցին մտնել ալբանացիների բանակատեղին: Նրանք ա-
ղերսեցին Էլմասին, յանուն մարգարէի կրօնի, չկուել
այլևս իրանց հաւատի թշնամիների կարգերում: Զիջա-
նելով նրանց յորդորներին, Էլմաս-բէյը անմիջապէս
հրամայեց իր մարդկանց բանակը վերցնել և հեռանալ
ամենախոր լուծեան մէջ. բայց նա չհամաձայնեց զէնք
բարձրացնել իր նախընթաց օրւայ դաշնակիցների դէմ:

Երբ սուլիացիները լուսադէմին պատրաստուում էին
վերսկսել կռիւը, սօկսիդները կախարդուածների պէս
անյայտացել էին: Սահայն Մարկը յաղթանակը մինչև
վերջ տանելու յոյսը չէր կտրել: Խուրշիդի ուղարկած
զօրաբանակի լրատների երևումը այս յոյսը ի դերև
հանեց: Բայց և այնպէս Մարկը կուր հրաւէր կարգաց
իւրայիններին: Միջնաբերդի գրաւման մասին խօսք լինել
այլևս չէր կարող: Մոռանալու չէ սահայն, որ կարա-
յիսկոս և ագարնանիացիները յափշտակել էին այս
ձեռնարկով Սէլէիտի հրամանատարի շնորհիւ: Աւերջնա-
կեցների փրկութեանը և հեշտացնել նրանց փախուստը,
իրան միայն թշնամու հարուածների վտանգին ենթարկելով:
Հէնց նոյն վայրկեանին, երբ նա դիմում էր գէպի միջնա-
բերդի պարիսպները, յորդորեց կարայիսկոսին հեռանալ
կուր դաշտից, որ միմիայն անխուսափելի պարտութեան էր
խոստանում: կարայիսկոս մերժեց. միայն Մարկի պաշտօնա-
կան և կրկնակի հրամաններին ղեջանելով համաձայնեց
նահանջել: Աուլիի հերոսի այս վեհանք վարմունքի շնոր-
հիւ էր, որ ագարնանիացիները ազատեցին և ճանապարհ
ընկան գէպի իրանց հայրենիքը: Մի քանի ժամից յետոյ
սուլիացիներն էլ էին փախչում և լող տալով անցնում էին
Խնախուսը, որ յորդացել էր վերջին անձրեկից:

Խնախուսի եզերքին հասնելով յոյները միւս ափին
մի ջոկատ ձիաւոր տեսան, որ պատրաստուում էր նրանց
ճանապարհը կտրել: Բօցարիս հէնց նոյն վայրկեանին
նկատեց եզերքի մի նախիր, որ իր հրկիզած գոմերի շուրջն
էր պտտում: Նա անմիջապէս հրամայեց իր ղեներներին
հաւաքել նախիրը, կախել կենդանիների պոչից և ուժ-
գին ծակձկել նրանց թրերի ծայրով: Եզները կատաղած
ցաւից և սուլիացիների աղաղակներից՝ գետը նետեցին,
տանելով իրանց բեռը, որից ազատել չէին կարողա-
նում՝ չնայած իրանց բոլոր ձիգերին. նրանք յախուռն
կերպով նետեցին թիւրք ձիաւորների վրայ, որոնց խրտ-
նած ձիերը չօրս կողմը ցրեցին:

Սուլիացիների նահանջից մի քանի օր յետոյ թիւրքերը
 գրաւեցին Ռէզնիասայի աշտարակը: Բերդապահ զօր-
 քը բաղկացած էր յիսուն երեք պալլիկարից, որոնք
 երգւել էին Բօցարիսին՝ պաշտպանել աշտարակը մինչև
 վերջին շունչը: Ահապէս-աղան երեք հազար մարդով պա-
 շարեց նրանց և իր առաջին յարձակումը յետ մղւած
 լինելով, առաջարկեց պաշարւածներին որևէ համաձայ-
 նութեան գալ իր հետ: Նրանց պետը՝ Տիմոյաս և իր
 զինակիցները համաձայնեցին անձնատուր լինել, այն
 պայմանով, որ թոյլ տրւի նրանց, զէնքերով ու գոյքե-
 րով ցրւել իրանց տները: Այս պայմանը առանց դժ-
 ւարութեան ընդունեց, և նրանք դուրս եկան աշտա-
 րակից: Բայց երբ հասան Աշերօնի ամերը, հանդիպեցին
 մի խումբ պալլիկարների, որոնք իջել էին Սուլիից նրանց
 զինամասի անելու և դաշնակցութեան հողի վրայ մուտքը
 արգելելու պատւէրով: Առնականները զայրացել էին
 Ռէզնիասայի անձնատուր լինելուց: Տեմոյասի զինուոր-
 ներին, որոնք երգւել էին թաղւել բերդի աւերակ-
 ների տակ, նրանք ամբաստանում էին, իբրև ուխտա-
 դրուժների և երկչոտների: Աերջիններս՝ ընկճւած խղճի
 խայթից և ամօթահար, ի զուր ջանացին իրանց հայ-
 րենակիցների ցասումը մեղմել և ստիպւած եղան զե-
 նամասի լինել: Ժերոնդների (ձերունիների) խորհրդի
 վճիռը նրանց կարեց ձգեց հայրենի ծոցից: Միևնոյն
 ժամանակ նրանց տները սև ներկւեցին վերից վար: Կար-
 ծես նրանք խկապէս մեռած լինէին. իսկ նրանց կանայք
 սև հագած՝ ներկայացան ձերունիների խորհրդին ա-
 պահարդան պահանջելու, օգտւելով այն իրաւունքից,
 որ Սուլիի խիստ օրէնսգրութիւնը շնորհում էր նմանօ-
 ըրնակ դէպքերում: Երկար ժամանակ այս դժբախտները
 թափառեցին լեռների շուրջը, զղջալով և ցաւելով: Աեր-
 ջապէս, ներողամիտ Բօցարիսի հրաւերով, քահանաները
 միջնորդեցին ձերունիների խորհրդի առաջ և յանցա-
 ւորները վերըստացան իրենց զէնքերը. սակայն հայրե-
 նիքը համաձայնեց կրկին նրանց իր ծոցը ընդունել մի-

այն այն ժամանակ, երբ իրանց պատիւը վերականգնեն
 որևէ մեծ քաջագործութեամբ: Անմիջապէս այդ յիսուն երեք
 պալլիկարները կատաղութեամբ նետուեցին թեսսարօտիայի
 դաշտերը, ջարդ ու փշուր արին բազմաթիւ զօրքեր, որ
 դիմում էին դէպի Խուրշիդի բանակատեղին և յայտ-
 նեցին Աուլիում իրանց պատւին կպած բիծը թշնամու
 արիւնով լուալուց յետոյ:

Բօցարիսի միջամտութիւնը ապացուցանում է, որ պօ-
 լեմարզը կարծես ուզում է մեղմացնել սուլիական օրէնք-
 ների ծայրայեղ խստութիւնը: Վանաւանից նրանց դա-
 րացնում էր սուլիացիների թեթեւ վերաբերմունքը դէպի
 մարդկային կեանքը:



1001
877

Արտայի դէպքից մի ամիս յետոյ վերապէս Ալե-
 փաշան բռնեց և գլխատեց, իսկ Խուրշիդը՝ թիւրք
 զօրապետներից ամենագործունեան ու ամենաճարպիկը,
 պատրաստեց քառասուն հազար մարդ թափել Սուլի
 լեռները: Մարկ Բօցարիս Յունաստանի ազատութիւնը
 կապւած էր համարում Ալլէիտի պահպանմանը:

Նա շտապով Կորնթոս գնաց և յունական ծերա-
 կոյտից, որ այդտեղ էր ժողովւած, անմիջական օգնու-
 թիւն խնդրեց, ինչ որ նրան չըլացան: Այս առթից օգ-
 տւելով Կօրնթոսի տեսնեց իր եղբայրագրած զինա-
 կից ընկերոջ հետ և օգնեց նրան ծերակոյտի առաջ իր
 զօրեղ ազդեցութեամբ: Մի միջադէպ հռչակեց նրա
 տեսակցութիւնը սուլիացիների արդէն անւանի դարձած
 պետի հետ: Կօրնթոսի առաջինը գնաց տեսնելու այն
 մարդուն, որին նա մի ժամանակ ձանաչել էր իբրև
 անյայտ մէկը և որին նա կրկին տեսնում էր՝ հիմայ
 արդէն մեծ անուն հանած: Նա հագել էր իր ամենա-
 փայլուն զգեստները: Մարկը, ընդհակառակը, որ Կորնթոս
 էր եկել առանց հետևորդների և անշուք կերպով, չէր
 հանել լեռնցու իր համեստ զգեստը: Կօրնթոսի շը-

փոթևած այն հակապատկերից, որ կար իր փարթամ հանդերձների և Յուլիի զորապետի անպաճոճ ու մարտական հագուստի միջև, քիչ խօսեց, հաղիւ նստեց և կարճ կապեց իր այցելութիւնը, որ նրան նեղ զրուծեան մէջ էր ձգում: Բայց նա կրկին եկաւ հետեւեալ առաւօտը, այս անգամ կէֆտի հին զգեստներով: Նրան տեսնելիս Բօցարիս առաջ վազեց և զրկելով «բարի լինի, եղբայր, բացահանչեց, այ հիմա կատարեալ պալլեկար ես. ճանաչում եմ քեզ այժմ, համբուրւենք:»

Այդօտրոնի, որ Յունաստանի ամենալճուական կէֆտաներից մէկն էր, առաջարկեց Բօցարիսին ընդունել զօրքերի հրամանատարութիւնը, որոնք անմիջապէս պատրաստեցին Սէլէի գնալ: Բօցարիս մերժեց այդ պատիւը և զրդեց կատարութեան նախագահ Մաւրօկորդատօին, որ ինքը իր զօրքերի գլուխն անցնի: Քիչ յետոյ նախագահը Պատրաս եկաւ, անցաւ Միսօլօնգի և դէպի Էպիր ճանապարհ ընկաւ զօրքի հետ, որ իր կարգերում բազմաթիւ Ֆրանսիացի, գերմանացի, իտալացի, լեհ հելլենասէրներ ունէր: Գա առաջին եւրոպական ձևով մարզած յունական գունդն էր:

Մաւրօկորդատօ ըմբռնել էր Բօցարիսի այն միտքը, որ անհրաժեշտ է ազատել Էպիրը և այնտեղ կեդրոնացնել կռիւր: Գժբախտաբար Բօցարիսի և նախագահի ունեցած միջոցները քիչ էին համապատասխանում մի այդպիսի մեծ նպատակի. նրանց զօրքի թիւը 3,500-ի հազիւ էր հասնում: Բայց և այնպէս նրանք առաջացան դէպի Արտա, որի բերդապահ զօրքը թւով չորս անգամ գերազանց էր: Նախագահը և հելլենասէրները հասկացան, որ նախ քան Աուլի մտնելը, անհրաժեշտ էր Արտային տիրել, որպէսզի մի զօրեղ կայան ստեղծեն դաշտավայրում և ապահով հաղորդակցութիւն Յունաստանի մնացեալ մասի հետ: Գա ոչ այլ ինչ էր, նթէ ոչ մի ձեռնարկ Բօցարիսի մի քանի ամիս առաջ յղացած ծրագրի իրագործման: 1822 թւի յունիսի կէսերին յոյները բանակեցին Աոմբօտի բարձունք-

ների վրայ, որ մօտ երկու ժամայ ճանապարհ էր Ամֆիլոսիայի մայրաքաղաքից: Շատ չանցած՝ հելլենասէրները մինչև Պետա կոչւած աւանի շրջակայքը առաջ գնացին, որպէսզի Արտայի պաշտպանների և Սուլիի պաշարման մասնակցող մուսուլման զօրքերի միջև ամեն հաղորդակցութիւն կտրուի: Թշնամու միշտ աճող բազմութեան և պաշարի սակաւութեան պատճառով արդէն մի քանի շաբաթից ի վեր վերջին տագնապի մատնեած սուլիացիները սուրհանդակ սուրհանդակի ետեից ուղարկում էին Աոմբօտի գլխաւոր բանակատեղին՝ անմիջական օգնութիւն խնդրելու: Այս նորութիւնները ստանալով՝ Բօցարիս և Մաւրօկորդատօ գիշերով բացօդեայ ժողով գումարեցին, որ կայացաւ Պոտիմի գետակի ափին: Այդ ժողովում վճռեց, որ Բօցարիս 500 մարդով երթայ ու աշխատէ լեռը մանել, մինչդեռ հելլենասէրները ալբանացիների օգնութեամբ աշխատեն թշնամու ամբողջ ուշադրութիւնը գրաւել Պետա աւանի վրայ: Բօցարիս հետեւեալ առաւօտը ճանապարհ ընկաւ և գիշերայ հասնելուն սպասելով, անտառում թագնեց, որպէսզի թիւքերի միջով անցնելու փորձ անի: Սակայն նա անդադար անանցանելի արգելքների էր հանդիպում: Մի շաբաթից յետոյ՝ ցաւից մորմորած, չարաչար յոգնած նա կրկին երևաց Աոմբօտում երեսուն երկու մարդով: Մնացեալ մասը ընկել էր բազմաթիւ կռիւներում: Կամ փախել Պիտի ուղղութեամբ:

Այդ միջոցին տօկսիդ Գոգոսը հազար ռազմիկ բերեց Մաւրօկորդատօի բանակը: Այս օգնութիւնը աւելի տեղին չէր կարող լինել, բայց և այնպէս նախագահը տատանում էր ընդունել: Մի չարակարծ համբաւ էր ծանրանում այս ալբանացու գլխին, որին հանրային կարծիքը մեղադրում էր իբրև Աիցոս Բօցարիսի հօր սպանող: Բօցարիս՝ ոտնատակ տալով իր անձնական ոխը, վճռեց հաշտել այն մարդու հետ, որի ներկայութիւնն իսկ նրան կատարեալ զրւանք էր պատճառում, բայց

որին նա յոյս ունէր այդ միջոցին տեսնել իբրև մի պիտանի օգնական:

Բօցարիս այդ օրը մեծ սխալ գործեց, որի համար մեղաւոր է միայն իր հոգու մեծութիւնը: Գոգոս յոյներն կորուստն էր որոճում: Խուրչիկը նրան կաշառել էր: Այս դաւաճան ծերուկը, մի քանի օր յետոյ՝ Պետայի ճակատամարտի ժամանակ, կուի ամենատար տեղը փախուստ տուց, և յոյները պարտութիւն կրեցին:

Երեք օր վերջը իմացեց, որ սուլիացիները անձնատուր են եղել՝ անդի տալով թշնամու թւին, սովից և յոգնածութիւնից ուժասպառ եղած:

Սուլին սերասկէրի ձեռքն ընկած լինելով, Վաւրօ-կորդատօն էլ չէր կարող մտածել Էպիրում մնալու մասին: Ես յետ դարձաւ Միսօլօնգի: Նրա փոքրիկ զօրքը ճիգ թափեց դիմադրելու՝ Խուրչիկին փոխարինող Օմէր-Բրիօնէս փաշայի յաղթական զօրքերին: Այս մի բուռն քաջերը դանդաղ նահանջ կատարեցին՝ թանգ ծախելով իւրաքանչիւր թիզ հողը և գէպի թշնամին դառնալով ամեն մի յարմար կէտուս: Այս երկար ու դժուարին նահանջի ընթացքում նրանք ցոյց տւին սառնասրտութիւն և բարոյական ոյժ, որի պահպանման մեծապէս նպաստեցին Բօցարիսի և հելէնասէրների ներկայութիւնը: Աերջապէս, հոկտեմբերի 21-ին յոյները, որոնց թիւը հարիւրից պակաս էր, հալածւելով հազար հարիւր թիւքերից, Միսօլօնգի մտան, որի պաշարումը նոր Յունաստանի պատմութեանը պիտի ընծայէր նրա ամենագեղեցիկ էջերից մի քանիսը, իսկ Բօցարիսին՝ նրա փառքի ամենամեծ փայլը:

«Ո՛հ, ինչպէս կ'ուզէի ես թռչուն լինել, ասում է մի ժողովրդական երգ, որ Միսօլօնգի թռչէի-գնայի և տեսնէի՝ թէ ինչպէս են սուր խաղացնում, ինչպէս են զարբերանս դցում, ինչպէս կուում Բուսթրիայի այս անպարտելի անգղները...»

«Սև ոսկրոտներ կը կուտակեն Միսօլօնգիի շուրջը. նրանք զինւորներ աշխարհ կը բերեն, և Սուլիի առիւծները այնտեղ կը գտնեն իրանց խինդը:»

Միսօլօնգի մտնելիս Վաւրօկորդատօ քսանհինգ զինւոր ունէր, իսկ Բօցարիս՝ երեսունհինգ, և երբ ղէնք կրելու ընդունակ բնակիչները միացան նրանց, ընդհանուր թիւը հասաւ երեք հարիւրի: Բնակիչների ամենամեծ մասը փախել էր: Մի քանի հարիւրապետ կարծիք յայտնեցին նաւեր մանելու և անյապաղ Պելոպոնէս հասնելու մասին՝ սրտերը արդարացի երկիւղով լցւած մի այդպիսի անհաւասար կուի արդիւնքից: «Ի՞նչ մենք հեռանանք, ասաց նրանց Վաւրօկորդատօ, թշնամին կ'անցնի առանց արդէլքի հանդիպելու, կը տիրանայ Մօրէպին և ամեն ինչ կորած է: Ինչ կը վերաբերի ինձ, ես այստեղ կը մեռնեմ:» — Ես էլ նմանապէս, բացականչեց Բօցարիս:

Այս խօսքերը ամեն տատանման վերջ գրին: Մի քանի օրւայ մէջ քաղաքից հեռացրին կանանց, երեխաներին և ձերուսիներին, որոնք մի մութ գիշերւայ շնորհիւ աննկատելի կերպով անցան թրքական երեք նաւերի միջից, որոնք պաշարելու էին եկած: Նրանց մեծ մասը Խօթը-կղզիները ապաստանեց: Այդ միջոցին Բօցարիս, երկու տարւայ անջատումից յետոյ, կրկին գտաւ Քրիզէիսին և իր երեխաներին: Բայց այս երջանկութիւնը կարճատե եղաւ: Տխուր նախազգացումներով պաշարւած, նա վճռեց հեռացնել իր ընտանիքը կուի թատերաբեմից և ուղարկել Անկօն՝ իր հօրեղբայր ձերուսի Նօթիի հսկողութեան տակ դնելու, որ Սուլիի վերջին պոլեմարգն եղաւ: Քրիզէիս ի զուր պաշտեց նրան, որ թոյլ տայ իրան նրա վտանգներին մոտենակից լինելը: «Երբեանից ի վեր, ասում էր նա, սուլիացի կանայք թողնում են իրանց ամուսիններին կուի ժամին: Մի՞թէ նրանք արդէն մոռացել են հրազեններ լցնել և վէրքեր կապել:» Մարիւր անյողզողը մնաց: Երբ առատ արտասուքներ թափեցին ծովափին, որ վերջին անգամն էր նրանց միատեղ տեսնում, Քրիզէիս և Նօթի բաժանեցին Բօցարիսից և ճանապարհ ընկան գէպի Իտալիա: Թշնամու գէմուղէմը փոխանակւած այս

հրաժեշտի ողջոյնները իրանց տխրութեամբ ու հանդիսաւորութեամբ չէ՞ն յիշեցնում արդեօք Հելտոորի ու Անդրոմաքի հռչակաւոր և սրտաշարժ հրաժեշտը:

Փոքր ինչ յետոյ քաղաքի մէջ էլ ոչ ոք չմնաց մի քանի քահանայից և մի քանի հարիւր զինւորից զատ, որոնք մի ամսւայ պաշար ունէին: Եւ թէ թիւրքերը այդ միջոցին մի յարձակում փորձէին, նրանք անտարակոյս մի քանի ժամւայ մէջ կը տիրէին Միսօլօնգիին, բայց նրանք չգիտէին բերդաքաղաքի իսկական վիճակը և բաւականանում էին միայն նրա պարիսպները հեռւից ումբակոծելով: Պաշարւածները ամեն տեսակ խորամանկութիւն բանեցրին իրանց թւի վերաբերմամբ թշնամուն խաբելու համար: Ի միջի այլ վարպետութիւններին՝ նրանք որչափ կարելի է մեծ ժխտով զարնել էին տալիս այն մի քանի թրմբուկը, որ նրանց ձեռքն էր ընկել: Լսելով այդ գործիքի աղմուկը, որ հելլէնասէրների դալուց առաջ Յունաստանի մէջ չէր գործածուում, թիւրքերը երեւկայեցին, թէ բազմաթիւ օտարականներ էին գտնուում քաղաքի պաշտպանների թւում: Կրանց մոլորութիւնը այնքան մեծ էր, որ մի քանի օրից յետոյ Օմէր-Բրիօնէս առաջարկեց բանակցել: Բօցարիս և նախագահը գործը ձգձգելու այս առիթը ձեռքից բաց չթողին, սպասելով որևէ օգնութեան, որի գալուն, ըստ երևութիւն, թրքական նաւերի ներկայութիւնն էր միայն խանգարում: Եւ իբր զրահեաւանք՝ Մարկը մի կողմից, Հագոս Բեստիարիսը միւս կողմից, հանդիպեցին իրար՝ բանակցութիւն սկսելու, քաղաքից ատրճանակի մի ասպարէզի վրայ: Երեք ապարդիւն տեսակցութիւնից յետոյ, որոնց միջոցներին անդադար գնդակահարում էին իրար, Բօցարիս հասկացաւ, որ անհրաժեշտ է գոնէ երեսանց համաձայնութեան գալ՝ օսմանեան զօրապետի համբերութիւնը ի չարը գործ չգնելու համար: Բերանացի համաձայնութիւն կայացաւ երկու լիազօրների միջև, որով նախագահը և իր մարդիկը, Բօցարիս և երեք հարիւր ընտանիք, ազատօրէն Պելոպօնէս պիտի հեռանային

իրանց ամբողջ գոյքով, որից յետոյ քաղաքի բանալիները պիտի յանձնէին փաշային: Այս երեք հարիւր ընտանիքը ոչ այլ ինչ էր, եթէ ոչ մի ճարպիկ խաղ, մի խրտուխակ թշնամուն իր սխալի և իր խաղաղասէր սրտադրութեան մէջ պահելու համար: Մի շաբաթ ժամանակ տւին յոյներին նաւ նստելու և նեղուցը անցնելու համար: Այդ ժամանակից ի վեր թշնամական յարաբերութիւնները դադարեցին: Ճշմարտութիւնը ծայրայեղօրէն սիրելու պատճառով՝ Մարկը ինքն իրան մեղադրում էր իր արդարացի ուղղմագիտական խորամանկութեան համար, որ նա հնարել էր մուսուլմանների աչքը վախեցնելու և իր բանակցութիւնները աջող ելքի հասցնելու նպատակով: Միսօլօնգի մանկիս՝ նա ձեռքբերով ձախատը ծածկեց և բացականչեց. «Ո՛հ, հայրենիք, որքան զօհողութիւնների պատճառ եղար դու ինձ համար: Երգեօք պէտք էր այդ բոլորին աւելացնել նաև իմ պատիւը»:

Չինագաղարի առաջին օրերը յոյների համար դառն տագնապների դուռ բաց արին: Ժամերը անցնում էին և ակնկալւած օգնութիւնը չէր գալիս. կարծես թէ Յունաստանը մոռացութեան էր տւել Միսօլօնգին:

Արջնապէս չորրորդ օրը մի կատաղի քամի բարձրացաւ հարաւից և թրքական նաւերը հանեց իրանց անշարժութիւնից: Միսօլօնգիի պաշտպանները ուրախութեան աղաղակներ արձակեցին, երբ նկատեցին, որ Պատրասից կօթը նաև է գալիս և միևնոյն ժամանակ օսմանեան նաւերը փոթորկից կայմակոտոր եղած՝ լծագէ են ապաւինում: Պաշարոււմը վերացած էր, և հետևեալ օրը յունական նաւախումբը կօթը հարիւր մարդ իջեցրեց պաշարւած քաղաքը Պիետրօ-բէյ Մաւրօմիլիալիսի հրամանատարութեամբ: Հետևեալ օրերը հազար հինգ հարիւր պելոպօնեսցի աւելացան սրանց թւին: Այդ օրից ի վեր բերդաքաղաքը դիմադրելու ընդունակ էր: Օմէր-Բրիօնէս այս բոլոր շարժումների սառնասիրտ ակնասեան էր եղել: Նրան առանց դժւարութեան հաւատա-

300
4700
1500

ցրին, որ յունական փոքրիկ նաւատորմիցը մեկնել էր Պատրասից միայն նրա համար, որ տեղափոխի այն երեք հարիւր ընտանիքը, որոնց դաշնագրի զօրութեամբ թողաւորած էր Միսօլոնգիից հեռանալով Պայմանաժամն էլ լրացած լինելով՝ նա մարդ ուղարկեց քաղաքի բանակները խնդրելու: Բօցարիս ուղարկեց նրան Ղեռնիդասի Թերմոփիլում՝ աւած պատասխանը. «Եթէ կ'ուզես, եկ և առ»:

Կենք չենք պատմի ոչ թիւրքերի գործած ապարդիւն յարձակումների մանրամասնութիւնները և ոչ էլ յոյների փայլուն սխրագործութիւնները: Օմէր՝ ուժով աջողելու յոյսը կարած՝ գիմեց խորամանկութեան: Ծննդեան տօնը մտենում էր: Աւրեմն հաւանական էր, որ յոյները, որոնց բարեպաշտութիւնը նախապաշարմունքի էր հասնում, կը մտասուզէին աղօթքի մէջ և պատարներից կը հեռանային, ժամերգութեանը ներկայ լինելու: Օմէր վճռեց օգտուել այդ հանգամանքից՝ սանդուղքներով գիշերային վերելք գործելու համար: շէնց որ զանգի առաջին հարւածը հնչէր քաղաքում, մուսուլման զորքերը զգուշութեամբ առաջ պիտի գնային, յարձակման փորձ անելու, — որը փաշայի արած հաշի համեմատ ոչ գժւար էր և ոչ էլ վտանգաւոր, — և ապա քրիստոնեաներին պիտի կոտորէին իրանց տաճարներում: Բարեբախտաբար մի յոյն, որ Օմէր փաշայի անձնական ծառաններից էր, հէնց Ծննդեան նախընթաց օրը գաղտնի կերպով հաղորդեց Բօցարիսին այս ծրագրի մասին: Վերջինս հրամանով բոլոր զանգերը կէս գիշերից մի ժամ առաջ ուժգին զօղանջեցին, և իւրաքանչիւր յոյն վազեց իր տեղը բռնելու: Թիւրքերը՝ համոզւած, որ յոյները այս կրօնական կոչին պատասխանելու վրայ են և որ նրանք զբաղւած են միայն քրիստոսի ծննդեան տարեգարձը տօնելով, վստահութեամբ ճանապարհ ընկան, անցան խրամի գօտին ամենածանձաղ տեղով, պարսպին սանդուղքներ դրին, և ութ հարիւր հօգի բարձրացան յարձակում գործելու: Հաղիւ էին նրանք վերջին սա-

տիճանի վրայ ուս դրել, երբ Բօցարիսի զինւորները, որ թագնւած էին պատնէշների ետևում, ոտի կանգնեցին, կրակ արին և գլորեցին յարձակողներին: Հետևեալ գիշերը Օմէր-Քրիօնէսը՝ ամօթահար և վհատած, մի այնպիսի հապճեպով փախուստ տուց, որ երբ յաղթողները միւս օրը մտան նրա թողած բանակատեղին, գտան այնտեղ տասը թնդանօթ, ռազմական կարգ ու սարք, պատանշաններ և մինչև անգամ փաշայի զգեստները: Երկու յոյն միայն ընկան այս կուռում, իսկ թիւրքերը կորցրին իրանց զօրքի ամենաընտիր մասը: Այս մեծ յաղթանակին ներուած կրգը ասում է.

«Հրեառողները անձրևի պէս են թափուում, ուսերերը՝ ինչպէս կարկուտ, գնդակները՝ ինչպէս ծովի աւալը...»

«Պատենք այն երկիրը, որ Յունաստանի ծագելին է, աշխարհի փառքը, Ռուսկէայի բանալին, Մօրէայի սիւնը:

«Թիւրքերը երգեցին Միսօլոնգիում ջրհեղեղ անել Ծննդեան օրը: Նրանք յետ մղեցին:

«Նրանցից բանիսը այս յարձակման միջոցին ընկան, — սի կարող է հաշելը: Երկու պայլիկար ընկան այս կուռում: Նիկոլաս Ասեկուրիս և Գէսրդ Միզուրիս:

«Նրանք հայրենիքի համար ընկան, յիմացէք: Ազգի համար մեռնողները չեն կորչում, նրանք լաւ անուն են թողնում և փառքով մեկնում աշխարհից...»

Բօցարիսի հօգու արիութիւնը և արագ վճռականութիւնը ազատել էին Միսօլոնգին և Յունաստանը: Կարօրօրգատօ Պելոպոնէս վերադարձաւ, ուր կանչում էին նրան կառավարութեան հօգսերը: Նա թողեց Բօցարիսին արևմտեան Յունաստանի սպարապետութեան ատիճանագիրը: Ղեռնիդասի զիւցաղնական սուերից հալածւած՝ երիտասարդ սպարապետը նրա նման աննչում էր մահ գտնել իր երկիրը փրկող յաղթանակի գրքուում: 1823 թւի ամառայ կիսին՝ Մուստային՝ Մկոտրայի փաշան, դուրս եկաւ Նլլիբիայից, որ Միսօլոնգիի վրայով Պելոպոնէս հասնի, գէգերից և սոկսիգներից

կազմած զօրքի գլուխն անցած. սրանք Ալբանիայի ամենառազմիկ տարրերն են: Պատմագիրները այս բանակի թիւը քառասուն հազարի են հասցնում: Նրա առաջապահ զօրքը, որ բաղկացած էր ասանհինգ հազարից, օգոստոս ամսին անցաւ Թեսալիան և Ագրաֆա գաւառակը, ճանապարհին ամեն բան քանդելով ու հրդեհելով: Մինչ այս մինչ այն, ցաւալի երկպառակութիւնները սպառնում էին ջլատել միսօլոնգիացիների փոքրիկ ուժը: Բօցարիսի սպարապետութիւնը շատերի նախանձն էր շարժել: Նրա շուրջը հաւաքւած հարիւրապետները, որ սուրբ էին իրանց լեռներում ինքնիշխան հրամաններ արձակել, տրամադիր չէին իրանցից աւելի երիտասարդ պետի հեղինակութիւնը ճանաչել: Հելլեն ծերակոյտը ստիպւած եղաւ այս դժգոհներից շատերին սպարապետութեան աստիճանագիր ուղարկել: Բօցարիս լուութիւն պահեց, որպէսզի տխուր վէճերի առիթ չտայ: Այդ միջոցին սէրասկէր Մուստայու մօտենալու լուրն առան: Բօցարիս հաւաքեց բոլոր հարիւրապետներին և ծոցից հանելով իր սպարապետութեան աստիճանագիրը, պատուեց ու գետին նետելով բացականչեց. «Թշնամուն է, որ պէտք է գնալ և խնդրել այս վկայագիրները: Վաղը չէ միւս օր մենք կը տեսնենք՝ ովքեր ձեզանից արժանի են դրան» — և դուրս եկաւ քաղաքից չորս հարիւր պալլիկարով: Հետեւալ օրը բոլոր զօրքերը միացան նրան: Բօցարիսի ծրագիրն էր՝ կանգնեցնել թիւրքերին նախ քան նրանք կը հասնէին Միսօլոնգիի դաշտավայրը:

Բօցարիս մի թեթեւաշարժ զօրացու գործեց և կարպենիցի գաւառակի սահմաններին հասաւ: Յոյները ըզգուշութեամբ թագնեցին անտառներում և թշնամուն միջոց տւին վրաններ կանգնելու: Բօցարիս տեսաւ, որ անհնարին է յայտնապէս չափւել տասներկու կամ տասնհինգ հազար մարդու հետ, որ սէրասկէրի հրամանատարութեամբ առաջապահ զօրքն էր կազմում: Նա իր զօրքին քսանչորս ժամ հանգիստ տւեց: Միակ ինքն

էր, որ ընդհանուր յուզմունքի միջոցին պահպանում էր այն անդորրութիւնն ու սառնասրտութիւնը, որ մեծ ոգու մէջ ընկերանում են ամեն մի կորովի վճռի: Վրա ապացոյցը կարելի է գտնել այն նամակում, որ Բօցարիս 1823 թւի օգոստոսի 18-ին, հէնց կարպենիցիի կուէի օրը, ուղարկեց լորդ Բայրընին, որ պատրաստուում էր Միսօլոնգիի դալ Բօցարիս գրում է.

«Չեք և պատկառելի Իգնացիօի նամակները բերկրութեամբ լցրին իմ սիրտը: Չեղդ գերազանցութիւնը այն իսկ անձնաւորութիւնն է, որի պահանջը մե՛ք զգում ենք: Աչ մի բան թող չարդիլէ Չեղդալ Յունաստանի այս կողմը: Բազմութիւ թշնամին մեզ սպառնում է, բայց Աստու և Չեղդ գերազանցութեան շնորհիւ նա պատշաճաւոր դիտարութեան կը հանդիպի: Այս երեկոյ ալբանական մի զօրագնդի դէմ կատարելիք ունիմ, որ մեզանից ոչ հեռու բանակ է դրել: Վաղը չէ միւս օր մի քանի բնախր մարդով Չեղդ գերազանցութեան ընդառաջ կը գամ: Մի ուշանաք: Շնորհակալ եմ այն լաւ կարծիքի համար, որ ունեք հայրենակիցներին մատին և յուսով եմ, որ անհիմն չէք գտնի այն»:

Այս «կատարելիքը» ոչ այլ ինչ էր, եթէ ոչ իր կեանքի զոհաբերութիւնը և իր հայրենիքի ազատութիւնը: Այդ օրւայ իր մեծ մտաբազումների միջոցին հերոսը մի քանի անգամ արտմեց իր մօտալուտ մահւան առիթով: Պատմում են, որ գիշերը հասնելուն պէս Բօցարիս մեկուսացաւ իւրայիններից քիչ հեռու և նստեց երազանքների մէջ խորասուզւած: Նրա ազգականը՝ Տուսսաս, որ գաղտագողի հետևում էր նրան, վրայ հասաւ և տեսաւ արտասուք թափելիս, բայց չհամարձակեց հարց ու փորձ անել: Երբ Մարկը նկատեց նրան, ձեռքը մեկնեց. «Ո՛հ, ինչ դժւար է իմ պարտականութիւնը, ասաց նա. քեզ եմ յանձնում իմ կնոջը և երեխաներին»:

Յոյները արդէն կարպենիցի հասնելու վրայ էին, երբ արևի ծագելուց մի քանի ժամ առաջ, անցան Միլիցա գիւղակի միջոց, որի բնակիչները դեռ քնի մէջ էին: Մի անշուք մատուռի առջևով անցնելիս, Մարկը ներս

մտաւ իր հետեորդներից մի քանիսի հետ և սկսեց աղօթել: Անձեղները աղօտ լոյս էին սփռում սրբափայրի անարեւատ նկարներով զարդարած պատերի վերայ. երկու քահանայ առաւօտեան ժամն էին ասում: Երբ նրանք վերջացրին, Մարիը նրանցից մէկին առաջ գնաց և մի քանի ոսկի գրամ տալով՝ ասաց. «Ահաւսիկ այս աղբատներին կըտաս, աղօթիր Բօցարիսի հոգու համար»:

«Աստուած իմ, միթէ նա մեռած է, բացագանչեց քահանան, որ նրան ճանաչում էր միայն նրա սիրագործութիւնների հոչակը լսելով:— Այ, պատասխանեց Բօցարիս, նա մեռնելու է գնում:

18-ի առաւօտը Մարիը յարձակման վերաբերեալ պատուէրներ տւեց, որը որոշած էր հետեւեալ գիշերուայ համար: Օրւայ ընթացքում կիցոս Յաւելլաս, արի և հաւատարիմ ագարնանիացի կարայիսիոս, Զոնգոս, Մակրիս Վրոկապարի սարից մէկ-մէկ անցան կալիսարոմի անտառները, երկար շրջաններ գործելով թշնամուց աննկատելի մնալու համար: Կրանք հրաման էին ստացել աստիճանաձև կարգեր կազմել թիւրքերի երկու թևի վրայ և անշարժ մնալ մինչև որ Բօցարիս ազգանշան կըտար: Բօցարիս միայն երեք հարիւր մարդ պահեց իր համար: Նրա գիտաւորութիւնն էր՝ մանեկ բանակը, բիմել ուղղակի սերասկէրի վրանը և սպանել նրան՝ մինչ իր զինակիցները շիթութիւն և ահուգող կը սփռէին ամենուրեք: Եւ անմիջապէս օգնութեան կանչելով շըրջակայ անտառներում գարան մտած հարիւրապետներին, նա յոյս ունէր հեշտութեամբ յաղթել շիթութեամբ և առաջնորդից զրկւած զօրքը: Գիշերը վրայ հասած լինելով՝ նա ճանապարհ ընկաւ: Մի վարկենաչափ վարանում տիրեց իր փոքրիկ զօրքի կարգերում: «Գուք բոլորդ էլ աղաս էք մնալ. ինչ վերաբերում է ինձ, ես գնում եմ»: Եւ նա աւելացրեց այս գեղեցիկ խօսքը, որ հռչակաւոր ու ժողովրդական է մնացել Յունաստանում. «Եթէ խառնակութեան միջոցին ինձ կորցնէք, վա-

զեցէք փաշայի վրանը, այնտեղ կը գտնէք ինձ»: Ելեկտրականացած այս պերճախօս ու լակոնական խօսքերից, երեք հարիւր պալլիկարները թրերը հանեցին և պատեանները հեռու գցեցին, զրանով ցոյց տալով, որ նրանք մտածում են միայն կամ յաղթել կամ մեռնել, և ապա միմեանց խաղաղութեան համբոյր տւին իրանց սովորութեան համեմատ:

Բանաստեղծները և յունական պատմագիրները կարպենիցին թերմոսիլին են համեմատում, իսկ Բօցարիսի երեք հարիւր մարդը՝ Վեոնիդասի երեք հարիւր սպարտացիներին: Պատերը արգարացնում են այս համեմատութիւնը:

Մարի և իր զօրքը կէս գիշերուայ մօտ հասան մուսուլման առաջապահեաններին: Պահակներին այլաներէն խօսած լինելով՝ նրանց ընդունեցին Օմեր-Բրիօնէսից ուղարկւած օժանդակ զօրքի տեղ: Այս վարպետութեան շնորհիւ՝ նրանք առանց արգելքի բանակը մտան, ուր ամենակատարեալ ապահովութիւն էր տիրում: Խոր քուն մտած թիւրքերը յոյների առաջին զոհերի աղաղակներից զարթեցին: Բոլոր կողմերից նրանք զէնքի դիմեցին, զուր տեղը ջանալով խաւարի գրկում գուշակել՝ թէ ինչ տեսակ թշնամու հետ գործ ունեն: Զօրավարները կարծեցին, որ զօրքի մէջ խռովութիւն է ծագել. — այնքան հեռու էր նրանցից մի այգպիսի յարձակման միտքը: Նրանք խռովութիւնը հանգստացնելու մասին էին մտածում: Միայն Զէլէլէնդին-բէյը, Մուստայու փոխանորդը, Բօցարիսին ճանաչեց: Հազիւ էր նա բերանը բաց արել իւրայինների մտորութիւնը ցրելու համար, երբ մի սուլիացի նրա կուրծքը կոխեց իր թուրը: Խառնակութիւնից և ընդհանուր շիթութիւնից օգտւելով՝ յոյները աջ և ձախ հարւածներ էին հասցնում: Շատ չանցած գէգերն ու տոկսիդները կրակ արին միմեանց վրայ: Այդ միջոցին Բօցարիս՝ ահաբեկւած զինուորների խմբերի միջով էր անցնում և երբեմն միայն կանգ առնում ու ալբաներէն ինքրում, որ իրան ցոյց տան սերասկէրի վրանը:

Այդ կերպով նա սխալմամբ Հագոս Բեստարիսի վրանը մտաւ, որ մի ժամանակ դաւաճանն էր սուլիացիներին և որ այդ գիշեր իր կեանքի գնով քաւեց իր դաւաճանութիւնը: Պատմում են, որ Մարկը թիւրք գլխաւոր զօրավարներից եօթին սպանեց իր ձեռքով: Ճակատագիրը, կարծես, ուզում էր աղատել իր փնտրած զոհին: Ժամանակն անցնում էր. լուսանում էր, և Բօցարիս նկատեց, որ մի մեծ տարածութիւն բաժանում էր նրան իր գնդից: Նա մտածեց, որ արդէն ժամանակ է սարում դարան մտած հարեւրապետներին օգնութեան կանչել և միւսնոյն ժամանակ թշնամու ուշադրութիւնը միմիայն իր վրայ հրաւիրել, որպէսզի կարողանայ ազատել պալլեկարներին, որոնց զրուցութիւնը շատ վտանգաւոր էր: Նա փչեց իր փողը: Այս հնչուն ու թրթուռն ձայնը լսելով, որ մի վայրկենաչափ խլացրեց խառնաշփոթ աղաղակները, ալբանացիները ապուշ կտրեցին զարմանքից և վերջապէս սարսափով գուշակեցին՝ թէ ինչ ահարկու թշնամու հետ գործ ունէին: ապա բաղմութեամբ Բօցարիսի կողմը նետելով պարպեցին իրանց զարարեւնաները նրա ուղղութեամբ, առանց իմանալու թէ ինչ էին անում: Մինչ կոխը ալբանացիների ուշադրութիւնն էր կլանում, Արցոս Յաւելլաս և միւսները պատասխանում էին իրանց պետի հրաւերին և սրարշաւ իջնում Ալլիիզրոմի ցեղ զառիվայրը: Քիչ յետոյ նրանք արդէն մասնակցում էին կուին: Մարկը տեսնելով, որ թշնամի ամբօխը խտանում է իր շուրջը, կրկին վազ տուեց՝ յանձն առած գործը գլուխ բերելու: Երբ վազում էր դէպի մի մեծ դրօշազարդ վրան, որ նա ընդունել էր սերասկէրի վրանի տեղ, նա վիրաւորւեց փորից: Յաւ չզգալով, նա մի քանի քայլ ևս արեց. բայց քիչ յետոյ թուլացած արեան կորստից, որ առատօրէն հոսում էր վէրքից, ստիպեց ծնկի դալ չընկնելու համար: «Գէպի ինձ, դէպի ինձ, բարեկամներս, բացաբանչեց. նա զգում էր, որ մահացու վէրք է ստացել. ուժաթափ էր լինում: Արեւ ծագում էր: Հայեացքը

իր չորս կողմը յաճելով, Բօցարիս կարողացաւ տեսնել իր անպարտելի զինւորներին մոլեգնաբար թշնամուն հաւածելիս, որ սկսել էր փախուստ տալ: Այդ միջոցին նրան ժառանգաւ իր կոստանդին եղբայրը, որ կուր ըսկզբից նրան էր փնտրում: Ղերջնու գտնելով նրան մի այգպիսի ողբալի վիճակում, ի զուր ջանաց համոզել, որ հեռանայ կուրի դաշտից: Մարկը մերժեց. նա կամեցաւ մինչև վերջին ժամը իր յաղթանակի տեսարանը վայելել, գուցէ նա դեռ կուրին մասնակցելու յոյս ունէր, որովհետև իր զինակիցներից շատերը վրայ հասած լինելով, նրա վէրքը շտապով կապել էին: Նրա ծայրայեղ թուլութիւնը, կարծես, չբանում էր: Արդէն նա իր զարարեւնան կրկին լիցնելու վրայ էր, երբ մի երկրորդ գնդակ ջախջախեց նրա գլուխը: Ընկաւ Բօցարիս, որ այլ ևս կրկին չվերկենայ, հազիւ երեսունհինգ տարեկան հասակում: Նրա զինւորները քինախնդրութեամբ լցած գրեթէ գերբնական զօրութեամբ օժտուեցին և սրի տելին սերասկէրի բանակը, որ ստիպւած եղաւ թեսալիայի բարձրութիւնները ապաւինել:

Յաղթողները անմիջապէս ձանապարհ ընկան դէպի Միսօլոնգի, մոռանալով իրանց յաղթանակը և մտածելով միայն իրանց անփոխարինելի կորստի մասին: Նրանք տարան Բօցարիսի մարմինը՝ պառկեցրած մի պատգարակի վրայ և ծածկեած թշնամուց խլած դրօշակներով: Մի տարօրինակ զուգադիպութեամբ այս տխուր թափօրը կանգ առաւ Արիցայում և յոյները իրանց թաղակազին բուրդը գրեցին նոյն այն սրբավայրում, ուր Մարկը աղօթել էր մի քանի օր առաջ: Միսօլոնգիի մօտ նրանց ընդառաջ դուրս եկաւ մի հոծ բաղմութիւն, որ խուժել էր շրջակայքից և Պելոպոնէսից: Յուդարկախմբի անցնելու միջոցին ամբօխը ծաղիկներ էր սփռում և ծունր դնում՝ հանգուցեալն համար տեղուտեղը յօրինեւած սրտայօղ երգեր երգելով: Այս հերոսական մահան լուրը մեծ ցաւ պատճառեց ամենքին և նկատեց որպէս հասարակական աղէտ:

Մի բանաստեղծ վերջացնելով կարգակնիցի ճակատա-
մարտի նկարագրութիւնը՝ Բօցարիսի բերանն է դնում
հետեւեալ խօսքերը. «Կոստանդին, եղբայր-ըն, կռիւը
չգազարկեցնես. սուլիացիներ, չողբար իմ վրայ, այլ գրե-
ցէք իմ կնոջը, իմ դժբախտ կնոջը, որ ֆրանկների աշ-
խարհումն է, Անկոնում, գրեցէք նրան, որ մտածէ մի-
միայն մեր երեխաների մասին»:

Քրիզէիսի հեղ և տխուր պատկերը մնում է սրպէս
լուռ անձն իրութեան, անյայտ զոհաբերութիւնների,
գաղանի տանջանքների մի սրտաշարժ խորհրդանշան՝ իր
քաջասիրտ ամուսնու փառքի և մեծ քաջագործութիւն-
ների կողքին:

Կնդապետ Գամբան պատմում է, որ Բայրըն՝ իմա-
նալով Բօցարիսի մահը, որին նա մտադիր էր մի ամ-
բողջ քերթուած նւիրել և որի մի քանի անընթեռնի
կտորներն են միայն մնացել, առատ արտասուք թափեց:
Շուտով Բայրըն ևս իր կեանքը զոհեց յունական ան-
կախութեան դործին և Միսոլոնգիի բնակիչները մինչև
այսօր էլ հպարտութեամբ ցոյց են տալիս այն համեստ
բնակարանը, ուր հռչակաւոր օտարականը իր վերջին
շունչը փչեց: Կնքու շթողին, որ զինուոր դարձած բա-
նաստեղծի աճիւնը հանգչի այն հերոսի կողքին, որի
զինակիցն էր նա ուզում լինել: Այդ վսեմ աճիւնը Յու-
նաստանին էր պատկանում: Բօցարիս և Բայրըն անբա-
ժան պիտի մնային: Այդ երկու մեծ դամբանները, մէկը
միւսին վիպական հմայք տալով, պիտի մնային յետնորդ-
ների աչքում որպէս մի խիստ և բանաստեղծական
խորհրդանշան, — մի խորհրդանշան այն աներևոյթ զօ-
րութեան, որ յափշտակեց հանձարին և տարաւ նրան
դէպի հերոսութիւն:

PUBLICATIONS

DE

l'Union des Etudiants Arméniens de l'Europe.

En français :

- 1) Ed. BERNSTEIN. **Les souffrances du Peuple arménien et le devoir de l'Europe** Fr. 0.40
- 2) Alb. VANDAL. **Les Arméniens et la Réforme de la Turquie** » 0.20
- 3) Francis DE PRESSENSÉ. **L'Arménie et la Macédoine** » 0.40
- 4) Georges BRANDÈS. **L'Arménie et l'Europe** » 0.40

En allemand :

- 5) Ed. BERNSTEIN. **Die Leiden des armenischen Volkes und die Pflichten Europas** » 0.50
- 6) D'ESTOURNELLE DE CONSTANT ; DENYS COCHIN ; FRANCIS DE PRESSENSÉ ; JEAN JAURÈS ; PAUL LEROLLE ; ANATOLE LEROY-BEAULIEU : **Für Armenien und Macedonien.** » 0.60
- 7) Georg BRANDÈS. **Armenien und Europa** » 0.40
- 8) ILSE FRAPAN. **Die armenische Frage.** » 0.40

En arménien :

(Voir la liste ci-contre)



Հայաստանի Ազգային գրադարան



NL0425643

17718

ԱԳԱՑ ԳՐԱԿԱՐԱՆ

Կարգադրութեամբ

ՅԻՐԱԳԱՅԻ ՀԱՅ ՕՌՈՒ ՄԻՈՒԹԵԱՆ ԼԻԱԶՈՐ ԿՕՄԻՏԷ

ԼՕՅՍ ՏԵՍԱՆ

գրքի ամսա

1) ԱԶՍՏՈՒԹԵԱՆ ԵՐԳԵՐ	20
2) ԱԳՍՏԱՄԲ ՍՍՍՈՒՆԸ	20
3) ՀԱՅՐԵՆԱՍԻՐԻ ՏԱՂԵՐԸ	20
4) ՀԱՅՈՒՀԻՆԵՐԻՆ	20
5) ՀԵՐՈՍԸ	20
6) ԼԵՌԱՆ ՌԱԶՄԻԿԸ	20
7) ՄԱՐԿ ԲՕՑՈՐԻՍ	20

(Գլխարկաւորում էն այլ գրքեր)

8) ՀԱՅՍՏԱՆԻ ՔԱՐՏԷՉԸ. հայաստան, (չունով կը վաճառահանուի)

ՕՏԵՐ ԼԵԶՈՒՆԵՐԻՍԿ

(Տես նախորդ կրկնը)

Adresse : Union des Etudiants Arméniens de l'Europe,
rue de l'Ecole-de-Chimie, 2, Genève (Suisse)